

«ՖԻԴՈ ԻՆՎԵՍԹ» ՓԲԸ ԲԱԺՆԵՏԵՐԵՐԻ ԸՆԴՀԱՆՈՒՐ ԺՈՂՈՎԻ

Ո Ր Ո Շ ՈՒ Մ

Թիվ 23/02-003

**«ՖԻԴՈ ԻՆՎԵՍԹ» ՓԲԸ «ՇԱՀԵՐԻ ԲԱԽՄԱՆ ՔԱՂԱՔԱԿԱՆՈՒԹՅՈՒՆԸ»
ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ**

10 ՓԵՏՐՎԱՐԻ 2023թ.

Հիմք ընդունելով «ՖԻԴՈ ԻՆՎԵՍԹ» ՓԲԸ կանոնադրության 8.1.4. ենթամասի 30-րդ կետը՝ «ՖԻԴՈ ԻՆՎԵՍԹ» ՓԲԸ բաժնետերերի ընդհանուր ժողովը (այսուհետ՝ ժողովը)

ՈՐՈՇՈՒՄ Է.

1. Հաստատել «ՖԻԴՈ ԻՆՎԵՍԹ» ՓԲԸ «Շահերի բախման քաղաքականությունը» կանոնակարգը՝ համաձայն հավելվածի:
2. Սահմանել, որ սույն որոշումն ուժի մեջ է մտնում «ՖԻԴՈ ԻՆՎԵՍԹ» ՓԲԸ Հայաստանի Հանրապետության կենտրոնական բանկի կողմից գրանցվելուց և լիցենզավորվելուց անմիջապես հետո:
3. Հանձնարարել «ՖԻԴՈ ԻՆՎԵՍԹ» ՓԲԸ համապատասխան աշխատակցին սույն որոշումն ուժի մեջ մտնելուց անմիջապես հետո հրապարակել այն «ՖԻԴՈ ԻՆՎԵՍԹ» ՓԲԸ պաշտոնական ինտերնետային կայքում:

«ՖԻԴՈ ԻՆՎԵՍԹ» ՓԲԸ
Ժողովի նախագահ
Ահարոն Լևոնյան

Հավելված
«ՖԻԴՈ ԻՆՎԵՍԹ» ՓԲԸ ժողովի
10.02.2023թ.-ի թիվ 23/02-003 որոշման

«ՖԻԴՈ ԻՆՎԵՍԹ» ՓԲԸ
ՇԱՀԵՐԻ ԲԱԽՄԱՆ ՔԱՂԱՔԱԿԱՆՈՒԹՅՈՒՆԸ
Կանոնակարգ

Գլուխ 1: Ընդհանուր դրույթներ

1. Սույն կանոնակարգը սահմանում է «ՖԻԴՈ ԻՆՎԵՍԹ» ՓԲԸ աշխատակիցների միջև, «ՖԻԴՈ ԻՆՎԵՍԹ» ՓԲԸ և հաճախորդների, ինչպես նաև տարբեր հաճախորդների միջև առկա և հնարավոր շահերի բախումը կանխարգելելու քաղաքականությունը:
2. Սույն կանոնակարգը հիմնված է «Արժեթղթերի շուկայի մասին» Հայաստանի Հանրապետության օրենքով սահմանված դրույթների, Հայաստանի Հանրապետության կենտրոնական բանկի խորհրդի կողմից ընդունված նորմատիվ իրավական ակտերով սահմանված դրույթների և «ՖԻԴՈ ԻՆՎԵՍԹ» ՓԲԸ կանոնադրությամբ և այլ կանոններով կամ կանոնակարգերով սահմանված դրույթներ վրա:

Գլուխ 2: Հիմնական հասկացություններ

1. Սույն կանոնակարգում օգտագործվող հասկացություններն ունեն հետևյալ նշանակությունը.
 - 1) «**Ընկերություն**»՝ «ՖԻԴՈ ԻՆՎԵՍԹ» ՓԲԸ.
 - 2) «**շահերի բախում**»՝ իրավիճակ, երբ երկու անձանց նպատակները կամ պարտավորությունները հակասում են միմյանց, և որը կարող է կասկածի տակ դնել անձի բարեխղճությունը, օբյեկտիվությունը և անաչառությունը.
 - 3) «**պատվեր**»՝ հաճախորդի կողմից ընկերությանը տրվող գործարքի կատարման հանձնարարական.
 - 4) «**հաճախորդ**»՝ ֆիզիկական կամ իրավաբանական անձ, ով օգտվում է Ընկերության կողմից մատուցվող ծառայություններից՝ Ընկերության հետ կնքված պայմանագրի հիման վրա.
 - 5) «**պայմանագիր**»՝ հաճախորդի և Ընկերության կողմից համաձայնեցված փաստաթուղթ, որը սահմանում է Ընկերության կողմից ծառայությունների մատուցման կարգը, կողմերի իրավունքներն ու պարտականությունները.
 - 6) «**Կենտրոնական բանկ**»՝ Հայաստանի Հանրապետության կենտրոնական բանկ.
 - 7) «**բանկ**»՝ «Արժեթղթերի շուկայի մասին» Հայաստանի Հանրապետության օրենքով սահմանված կարգով ներդրումային ծառայություններ մատուցող Հայաստանի Հանրապետության տարածքում գործող բանկը:

Գլուխ 3: Ընկերության աշխատակիցների միջև շահերի բախումը

1. Ընկերությունը ձեռնարկում է բոլոր հնարավոր քայլերը Ընկերության տարբեր աշխատակիցների միջև շահերի բախումը կանխարգելելու նպատակով:

2. Ընկերության ցանկացած աշխատակից պարտավոր է տիրապետել Ընկերության շահերի բախման քաղաքականությանը, բացահայտել իր պարտականությունները կատարելիս այլ աշխատակիցների հետ շահերի բախման հավանականությունը և հնարավոր իրավիճակները և ձեռնարկել բոլոր անհրաժեշտ միջոցառումները իր և այլ աշխատակիցների միջև շահերի բախում թույլ չտալու համար:
3. Եթե աշխատակիցների ներդրած ջանքերով հնարավոր չի լինում կանխել շահերի բախումը, ապա Ընկերության աշխատակիցների միջև շահերի բախման առաջացման դեպքում աշխատակիցներից յուրաքանչյուրն անմիջապես պետք է տեղեկացնի այդ մասին Ընկերության գործադիր տնօրենին, և միայն վերջինս թույլտվության դեպքում շարունակի դրսևորել տվյալ վարքագիծը:

Գլուխ 4: Ընկերության և հաճախորդների միջև շահերի բախումը

1. Ընկերությունը ձեռնարկում է բոլոր հնարավոր քայլերն Ընկերության և հաճախորդների միջև շահերի բախումը կանխարգելելու նպատակով:
2. Ընկերությունը մինչև հաճախորդի հետ պայմանագրի կնքումը և ծառայությունների մատուցումը՝ հաճախորդին հասանելի է դարձնում սույն կանոնակարգով սահմանված «Շահերի բախման քաղաքականությունը»:
3. Եթե հաճախորդի համար համագործակցող բանկում դրամական միջոցների և արժեթղթերի հաշիվների բացումն ու սպասարկումը, կամ հաճախորդի պատվերների՝ համագործակցող բանկի կամ ներդրումային ընկերության միջոցով կատարումը կարող է հանգեցնել Ընկերության, համագործակցող բանկի կամ ներդրումային ընկերության և հաճախորդի շահերի բախմանը, ապա մինչև պատվերի ընդունումը և գործարքի կնքումն Ընկերությունը ձեռնարկում է շահերի բախումը կանխարգելելուն ուղղված միջոցառումներ:

Գլուխ 5: Ընկերության տարբեր հաճախորդների միջև շահերի բախումը

1. Ընկերությունը ձեռնարկում է բոլոր հնարավոր քայլերը Ընկերության տարբեր հաճախորդների միջև շահերի բախումը կանխարգելելու նպատակով:
2. Եթե հաճախորդների պատվերների կատարման դեպքում հնարավոր է, որ շահերի բախում առաջանա հաճախորդների միջև, ապա Ընկերությունը մինչ պատվերների ընդունումը շահերի բախման մասին տեղեկացնում է

համապատասխան հաճախորդներին և առաջարկում է շահերի բախումը կանխարգելելուն ուղղված միջոցառումներ:

Գլուխ 6: Պատասխանատու անձինք և նրանց պարտականությունները

1. Սույն կանոնակարգով սահմանված շահերի բախման քաղաքականության պատշաճ ներդրման համար պատասխանատու անձն Ընկերության գործադիր տնօրենն է, ով պարտավոր է.
 - 1) շահերի բախման քաղաքականությունը ներկայացնել ժողովի հաստատմանը,
 - 2) ձեռնարկել բոլոր անհրաժեշտ քայլերը շահերի բախման իրավիճակների առաջացումը կանխելու, շահերի բախման բացասական հետևանքները կանխարգելելու համար,
 - 3) Ընկերության անձնակազմին իրազեկել շահերի բախման քաղաքականության, համապատասխան ուղեցույցների և ընթացակարգերի (առկայության դեպքում), նրանց պարտականությունների, ինչպես նաև շահերի բախման ռիսկերը չկառավարելու դեպքում հաճախորդների, ինչպես նաև Ընկերության համբավի վրա ազդող բացասական հետևանքների մասին:
2. Ընկերության բոլոր աշխատակիցները պարտավոր են տեղեկացված լինել սույն կանոնակարգով սահմանված շահերի բախման քաղաքականության, համապատասխան ուղեցույցների և ընթացակարգերի և իրենց պարտականությունների մասին, ներդնել բոլոր ջանքերը իրենց պատասխանատվության տակ գտնվող գործունեության ընթացքում հնարավոր շահերի բախումը սահմանափակելու նպատակով:
3. Անհրաժեշտության դեպքում ընկերությունը Բոլոր աշխատակիցներից կարող է պահանջել տեղեկատվություն շահերի բախումը կանխելու համար:

Գլուխ 7: Այլ դրույթներ

1. Սույն կանոնակարգում փոփոխությունները կամ լրացումները հաստատվում են Ընկերության ժողովի կողմից և ուժի մեջ են մտնում հաստատվելուց անմիջապես հետո: Ընդ որում, փոփոխությունների և լրացումների վերաբերյալ առաջարկ կարող է ներկայացնել Ընկերության գործադիր տնօրենը: